

889

Na osnovu člana 84. stav (4) Zakona o srednjem obrazovanju i odgoju - prečišćeni tekst („Službene novine Tuzlanskog kantona“, br. 10/20, 11/20, 8/21, 11/21, 22/21, 5/22, 10/22 i 11/22), na prijedlog Pedagoškog zavoda Tuzlanskog kantona broj: 21/1-34-18878/22 od 22.8.2022. godine, ministar obrazovanja i nauke Tuzlanskog kantona donosi

## P R A V I L N I K

### o dopunama Pravilnika o polaganju maturalnog ispita u gimnaziji, tehničkoj i umjetničkoj srednjoj školi na području Tuzlanskog kantona

#### Član 1.

U Pravilniku o polaganju maturalnog ispita u gimnaziji, tehničkoj i umjetničkoj srednjoj školi na području Tuzlanskog kantona („Službene novine Tuzlanskog kantona“, broj: 2/19), u članu 23. iza stava (1) dodaje se novi stav (2), koji glasi:

„(2) Izuzetno, Pedagoški zavod može učenicu odobriti polaganje mature i u trećem ispitnom roku ukoliko maturu nije položio u dva ispitna roka.“

Dosadašnji stavovi (2) i (3) postaju stavovi (3) i (4).

#### Član 2.

Ovaj pravilnik stupa na snagu danom donošenja, a objavit će se u „Službenim novinama Tuzlanskog kantona“,

Bosna i Hercegovina  
-Federacija Bosne i Hercegovine-  
TUZLANSKI KANTON  
Ministarstvo obrazovanja i nauke

MINISTAR

Dr.sc. Ahmed Omerović, v.r.

Broj: 10/1-34-019063/22  
Tuzla, 23.08.2022. godine

890

Na osnovu člana 37. stav (9) Zakona o osnovnom odgoju i obrazovanju („Službene novine Tuzlanskog kantona“, broj: 10/20 – prečišćeni tekst, 8/21, 11/21, 22/21, 5/22, 10/22 i 11/22) i člana 42. stav (9) Zakona o srednjem obrazovanju i odgoju („Službene novine Tuzlanskog kantona“, broj: 10/20 – prečišćeni tekst, 11/20, 8/21, 11/21, 22/21, 5/22, 10/22 i 11/22) ministar obrazovanja i nauke Tuzlanskog kantona donosi

## P R A V I L N I K

### o obilježavanju značajnih datuma u školi

#### Član 1.

##### (Predmet pravilnika)

Ovim pravilnikom propisuju se značajni datumi u osnovnim i srednjim školama na području Tuzlanskog kantona (u daljem tekstu: škole) kao i način obilježavanja značajnih datuma u školi.

#### Član 2.

##### (Značajan datum u školi)

Značajan datum je datum koji označava važna dešavanja i koji je potrebno obilježavati prigodnim programom u školama.

#### Član 3.

##### (Pregled značajnih datuma)

(1) Datumi koje su škole obavezne da obilježe:

- 21.02. Međunarodni dan maternjeg jezika;
- 01.03. Dan nezavisnosti Bosne i Hercegovine;
- 26.10. Dan krunisanja kralja Tvrtka I Kotromanića i Dan sjećanja na srednjovjekovnu Bosnu;
- 25.11. Dan državnosti Bosne i Hercegovine.

(2) Pregled datuma koji su preporučeni školama da se obilježe:

- 24.01. Međunarodni dan obrazovanja;
- 20.02. Dan obilježavanja donošenja Prvog Ustava Bosne i Hercegovine
- 09.05. Dan pobjede nad fašizmom/Dan Evrope;
- 28.05. Dan međureligijskog razumijevanja - Dan Ahdname sultana Mehmeda II bosanskim franjevcima;
- 29.08. Dan obilježavanja Povelje Kulina bana.

(3) Dan nezavisnosti Bosne i Hercegovine kao i Dan državnosti Bosne i Hercegovine škole su dužne da obilježe posljednji radni dan prije praznika.

(4) Obilježavanja Dana Povelje Kulina bana škole mogu realizovati početkom naredne školske godine, obzirom da isti pada za vrijeme školskog raspusta učenika.

#### Član 4.

##### (Dodatno Obilježavanje značajnih datuma)

Pored datuma iz člana 3. ovog pravilnika, škole mogu obilježavati dodatne značajne datume koji su navedeni u godišnjem programu rada škole.

#### Član 5.

##### (Način obilježavanja značajnih datuma)

(1) Za obilježavanje značajnih datuma iz člana 3. ovog pravilnika utvrđuju se nosioci obilježavanja koje odlukom imenuje direktor škole.

(2) Odlukom iz stava (1) ovog člana se također definiše program obilježavanja značajnih datuma.

#### Član 6.

##### (Program obilježavanja značajnih datuma)

(1) Program obilježavanja značajnog datuma podrazumijeva sve programske aktivnosti koje se provode u svrhu obilježavanja značajnog datuma.

(2) Programska aktivnost podrazumijeva aktivnost koja se provodi u cilju prigodnog obilježavanja značajnog datuma u školi.

- (3) Programske aktivnosti iz stava (1) ovog člana obuhvataju:
- Svečanu akademiju;
  - Historijski čas;
  - Izložbu u školi;
  - Performans prilagođen temi i datumu obilježavanja;
  - Organizacija okruglog stola;
  - Pisanje pismenog sastava;
  - Priprema referata o pojedinim temama;
  - Literarni konkurs.

(4) Za realizaciju pojedinih programskih aktivnosti odgovoran je nosilac aktivnosti.

(5) Školama u svrhu realizacije programskih aktivnosti preporučuje se saradnja sa ustanovama iz oblasti obrazovanja/kulture.

(6) Škole su u obavezi da u svakom odjeljenju obilježe datume iz člana (3) stav (1) ovog pravilnika.

#### Član 7.

##### (Zajedničke programske aktivnosti škola)

(1) Škole sa područja iste općine odnosno grada mogu na nivou općine/grada organizovati zajedničke programske aktivnosti u svrhu obilježavanja značajnih datuma iz člana 3. ovog pravilnika.

(2) Način obilježavanja značajnog datuma na nivou zajedničke aktivnosti nekoliko škola određuju se u formi sporazuma kojeg potpisuju direktori škola.

(3) Sporazumom iz prethodnog stava se definišu programske aktivnosti obilježavanja značajnog datuma i nosioci istih, kao i odgovornost za realizaciju programskih aktivnosti.

(4) Sporazum iz stava (2) ovog člana ne može biti u suprotnosti sa odredbama ovog pravilnika.

#### Član 8.

##### (Stupanje na snagu)

Ovaj pravilnik stupa na snagu narednog dana od dana objavljivanja u „Službenim novinama Tuzlanskog kantona“.

BOSNA I HERCEGOVINA  
-Federacija Bosne i Hercegovine-  
TUZLANSKI KANTON

MINISTAR

Ministarstvo obrazovanja i nauke

Dr.sci. Ahmed Omerović,v.r.

Broj: 10/1-34-13328-3/22  
Tuzla, 29.08.2022. godine

891

Na osnovu člana 37. Zakona o osnovnom odgoju i obrazovanju - prečišćeni tekst („Službene novine Tuzlanskog kantona“, br: 10/20, 8/21, 11/21, 22/21, 5/22, 10/22 i 11/22) i člana 42. Zakona o srednjem obrazovanju i odgoju - prečišćeni tekst („Službene novine Tuzlanskog kantona“, br: 10/20, 11/20, 8/21, 11/21, 22/21, 5/22, 10/22 i 11/22) ministar obrazovanja i nauke Tuzlanskog kantona donosi

## ŠKOLSKI KALENDAR

za školsku 2022/2023. godinu

1. Školska 2022/2023. godina traje od 01.09.2022. godine do 31.08.2023. godine.

2. Nastava se realizuje po polugodištima i traje 185 radnih dana, s tim da se nastavni programski sadržaji realizuju u okviru 175 nastavnih dana.

3. Nastava u završnom razredu osnovne škole traje 170 radnih dana, s tim da se nastavni programski sadržaji planiraju i realizuju u okviru 160 nastavnih dana.

4. Nastava u završnom razredu srednje škole traje 160 radnih dana, s tim da se nastavni programski sadržaji planiraju i realizuju u okviru 150 nastavnih dana.

5. Nastava u prvom polugodištu počinje prvog radnog dana u septembru, odnosno u četvrtak 01.09.2022. godine, a završava posljednjeg radnog dana u decembru 2022. godine, odnosno u petak 30.12.2022. godine (87 radnih dana).

6. Zimski odmor/raspust za učenike traje četiri sedmice, i to od ponedjeljka 02.01.2023. do petka 27.01.2023. godine.

7. Nastava u drugom polugodištu počinje u ponedjeljak 30.01.2023. godine i traje do srijede 14.06.2023. godine (98 radnih dana), a drugo polugodište traje do 30.06.2023. godine.

8. Nastava u drugom polugodištu u prvom razredu osnovne škole počinje u ponedjeljak 30.01.2023. godine i traje do srijede 07.06.2023. godine (93 radnih dana).

9. Nastava u drugom polugodištu u završnom razredu osnovne škole počinje u ponedjeljak 30.01.2023. godine i traje do srijede 24.05.2023. godine (83 radnih dana).

10. Nastava u drugom polugodištu u završnom razredu srednje škole počinje u ponedjeljak 30.01.2023. godine i traje do srijede 10.05.2022. godine (73 radnih dana).

Napomena:

U skladu sa članom 40. Zakona o osnovnom odgoju i obrazovanju i članom 46. Zakona o srednjem obrazovanju i odgoju škola je dužna realizovati nastavni plan i program, odnosno godišnji fond nastavnih časova, ako se utvrdi da nije ostvaren nastavni plan i program, odnosno godišnji fond nastavnih časova, mora se nastava produžiti dok se ne ostvari godišnji fond nastavnih časova.

11. Škola može izuzetno, prema potrebi, u skladu sa članom 38. stav 5. Zakona o osnovnom odgoju i obrazovanju - prečišćeni tekst („Službene novine Tuzlanskog kantona“, br: 10/20, 8/21, 11/21, 22/21, 5/22, 10/22 i 11/22) i članom 43. stav 5. Zakona o srednjem obrazovanju i odgoju - prečišćeni tekst („Službene novine Tuzlanskog kantona“, br: 10/20, 11/20, 8/21, 11/21, 22/21, 5/22, 10/22 i 11/22) u okviru jedne radne subote u toku mjeseca organizovati dodatnu i dopunsku nastavu, rad sekcija i učeničkih organizacija, kao i nadoknadu nastave u skladu sa odlukom Ministarstva.

12. Obavezne sjednice Nastavničkog vijeća i odjeljenjskih vijeća održati u septembru 2022. godine kao i januaru, maju, junu i avgustu 2023. godine.

13. Škola ne radi u vrijeme međunarodnih praznika:

- Nova godina (1. i 2. januar),
- Međunarodni praznik rada (1. i 2. maj).

14. Škola ne radi u vrijeme državnih praznika:

- Dan državnosti (25. novembar) i
- Dan nezavisnosti (1. mart).

15. Škola ne radi za vrijeme vjerskih praznika jedan dan u slučaju kada školu pohađa preko 50% učenika iste nacionalnosti, s tim da učenici i zaposlenici, koji slave vjerski praznik, imaju pravo da opravdano izostanu jedan dan i kada škola organizuje nastavu za vrijeme vjerskih praznika, a u skladu sa članom 54. stav 3. Zakona o radu („Službene novine FBiH“, broj: 26/16). Vjerski praznici:

- Ramazanski bajram (\_\_\_\_),
- Kurban bajram (\_\_\_\_),
- Katolički Božić (25.12.2022.),
- Pravoslavni Božić (07.01.2023.),
- Pesah (\_\_\_\_),
- Uskrs (\_\_\_\_),
- Vaskrs (\_\_\_\_),

Napomena: 5. oktobar Svjetski dan učitelja obilježava se kao radni nenastavni dan.

16. Godišnjim programom svake škole planiraju se:

- Dan škole (\_\_\_\_),
- Izleti (\_\_\_\_),
- Ekskurzije (\_\_\_\_),

17. Značajni datumi:

- 24.01. - Međunarodni dan obrazovanja;
- 10.02. - Dan sigurnijeg Interneta;
- 21.02. - Međunarodni dan maternjeg jezika;
- 20.03. - Međunarodni dan sreće;
- 21.03. - Svjetski dan poezije;
- 22.03. - Dan zaštite voda;
- 27.03. - Svjetski dan pozorišta;
- 04.04. - Međunarodni dan borbe protiv mina;
- 01.04. - Svjetski dan borbe protiv alkoholizma;
- 02.04. - Dan dječije knjige;
- 07.04. - Svjetski dan zdravlja;
- 08.04. - Svjetski dan Roma;
- 12.04. - Međunarodni dan djece ulice;
- 18.04. - Međunarodni dan spomenika;
- 22.04. - Dan planete Zemlje;
- 23.04. - Svjetski dan knjige;
- 08.05. - Dan Crvenog križa;
- 09.05. - Dan Evrope;
- 09.05. - Dan pobjede nad fašizmom;
- 15.05. - Međunarodni dan porodice;
- 22.05. - Međunarodni dan biodiverziteta;
- 31.05. - Dan nepušača;
- 05.06. - Svjetski dan zaštite okoliša;
- 26.06. - Dan borbe protiv droga;
- 12.08. - Međunarodni dan mladih;
- 08.09. - Dan borbe protiv nepismenosti;
- 15.09. - Međunarodni dan demokratije;
- 16.09. - Međunarodni dan zaštite ozonskog omotača;
- 21.09. - Međunarodni dan mira;
- 22.09. - Dan bez automobila;
- 23.09. - Dan evropske kulturne baštine;
- 01.10. - Međunarodni dan starijih osoba;
- 02.10. - Međunarodni dan nenasilja;
- 04.10. - Svjetski dan životinja;
- Oktobar mjesec knjige;
- četvrti ponedjeljak u oktobru se obilježava kao Međunarodni dan školskih biblioteka;
- 05.10. - Dan djeteta;
- 05.10. - Svjetski dan učitelja;
- 10.10. - Svjetski dan mentalnog zdravlja;

Na osnovu člana 37. stav (9) Zakona o osnovnom odgoju i obrazovanju – prečišćeni tekst (“Službene novine TK”, broj: 10/20, 8/21, 11/21, 22/21, 5/22, 6/22, 10/22, 11/22, 9/23, 12/23 i 5/25) i člana 42. stav (9) Zakona o srednjem obrazovanju i odgoju – prečišćeni tekst (“Službene novine TK”, broj: 10/20, 11/20, 8/21, 11/21, 22/21, 5/22, 6/22, 10/22, 11/22, 9/23, 12/23, 5/25 i 18/25) ministar obrazovanja i nauke Tuzlanskog kantona, donosi

## **PRAVILNIK**

### **o izmjenama i dopunama Pravilnika o obilježavanju značajnih datuma u školi**

#### **Član 1.**

U članu 3. u stavu (2), iza alineje 5., dodaje se alineja 6. koja glasi:

„- 11. juni – Dan sjećanja učenika osnovnih i srednjih škola na genocid u Srebrenici.“

#### **Član 2.**

U članu 3. iza stava (4) dodaje se novi stav (5) koji glasi:

„(5) Učenici srednjih škola sa područja Tuzlanskog kantona će, svakog 11. dana u mjesecu tokom trajanja nastavne godine, u skladu sa mogućnostima i planom aktivnosti škole, učestvovati u programu sjećanja i odavanja počasti žrtvama genocida u Srebrenici kroz organizovani mimohod, edukativne aktivnosti i druge prigodne sadržaje.“

#### **Član 3.**

Ovaj pravilnik stupa na snagu danom donošenja i objavit će se u „Službenim novinama Tuzlanskog kantona“.

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**Ministarstvo obrazovanja i nauke**  
**Broj: 10/1-34-016973/26**  
**Datum: 25.05.2026. godine**

**MINISTAR**  
**Dr. sc. Ahmed Omerović, s.r.**